

Die 14 februarii  
**BEATÆ MARIE VIRGINIS,  
MATRIS PULCHRÆ DILECTIONIS**

**Festum**

**Ant. ad introitum**

**Cf. Cant 6, 10; Lc 1, 42**

Tota formosa et suavis es, Fília Sion,  
pulchra ut luna, elécta ut sol,  
in muliéribus benedícta.

**Dicitur** Glória in excélsis.

**Collecta**

Intercédát pro nobis, Dómine, gloriósa Virgo María,  
quæ, Sancti Spíritus decoráta munéribus,  
tibi plácuít nobisque génuít Unigénitum tuum,  
speciósus præ filiis hóinum,  
ut, a foeditáte peccáti abhorréntes,  
spiritális pulchritúdinis amatóres efficiámur.  
Per Dóminum.

**Super oblata**

Dicátæ tibi, Dómine, quæsumus,  
capiámus oblatiónis efféctum,  
ut, cum beáta Vírgine viam pulchritúdinis percurréntes,  
cæléstis vitæ proféctibus innovémur  
et ad tuam glóriam contemplándam perveníre mereámur.  
Per Christum.

**Præfatio: Tota pulchra est Maria**

**Y.** Dóminus vobíscum.

**R.** Et cum spírítu tuo.

**Y.** Sursum corda.

**R.** Habémus ad Dóminum.

**Y.** Grátias agámus Dómino Deo nostro.

**R.** Dignum et iustum est.

Vere dignum et iustum est, æquum et salutáre,  
nos tibi, sancte Pater, semper et ubíque grátias ágere,  
et in hac festivitáte beátæ Vírginis Mariæ,  
te débitis magnificáre præcóniis.

Illa pulchra fuit in conceptióne,  
qua, ab omni peccáti labe immúnis,  
decóra renídet grátiae fulgóre;  
pulchra in partu virgináli,  
quo Fílium, splendórem glóriæ tuæ,  
mundo prótulit ómnium nostrum salvatórem et fratrem;  
pulchra in Fílii passióne, eius purpuráta cruóre,  
mitis agna mitíssimo Agno compátiens,  
novo matris ornáta múnere;  
pulchra in Christi resurrectióne,  
cum quo regnat gloriósa,  
eius victóriæ consors effécta.

Per quem maiestátem tuam adórat exércitus Angelórum,  
ante conspéctum tuum in æternitáte lætántium.  
Cum quibus et nostras voces ut admítte iúbeas, deprecámur,  
sócia exsultatióne dicéntes:

Sanctus, Sanctus, Sanctus Dóminus Deus Sábaoth...

**Ant. ad communionem**

**Cf. Iudt 11, 21**

Non est talis múlter super terram  
in aspéctu, et in pulchritúdine,  
et in sensu verbórum.

**Post communionem**

Perpétuo, Dómine, favóre proséquare,  
quos réficis divíno mystério,  
et, quibus beátam Vírginem Matrem dedísti  
speciósam ornámento virtútum,  
concéde per sémitas iustítiæ iúgiter ambuláre.  
Per Christum.